


مکتبہ علمیہ

۱۹ نجی سنہ

سنہ ۱۳۱۷

جزو، عدد : ۸۸





احمد شاكر پاشا

۱۲۵۴ تاريخنده درسعادتده تولد ايتمشدر. پدری جهان زاده لردن عمر خلوصی

افندی ایدی .

۱۲۷۴ تاريخنده مکتب حربيه دن ارکان حربيه يوز باشيلغيله چيقهرق برسنه - صکره متوفی نصرت پاشانک ميرلوالقله کوستنجه طرفلرنده اسکان مهاجرينه مامو- ريتنده رفاقتنه تعين اولمش ایدی .

مؤخرأ ۱۲۸۱ سنه هجريه سنده طونه ولايتک تشکيلنده روسجغه نقل ايدرك ولايت مذکورنک اداره سنجه اولان انتظامانک حصول ودوامی تأمین ايدن ذواندن بریده کنديسی اولمشدر. حتی قول آغاسی بولندينی حالده روسجق بلديسی مديرينه مامور اولمسيله مرکز ولايتک تنظيمات سائر سنجه ابراز ايتمش اولدينی مأثر فطانت ، جنتمکان سلطان عبدالعزيز خان حضرتلرينک اوروبادن عودت هايونلرنده فوق العاده تقدير شاهانهی موجب اواقله عهده سنه بيکباشيلق توجيه وبرقطه نشان مجدی ايله تلطيف بيورلمشدر .

برسنه صکره ، يعنی ۱۲۸۵ سنه سی شوالده صنف عسکريدن خدمت ملکیه تحویل مسلك ايدرك اداره نهریه ریاستی انضماميله روسجق سنجاغی مرکز متصرفلغه تعين ايدلمش و قرق کون صکره که ۲۸ ذی القعديه مصداقدرد رتبه اولی صنف نانیسی ايله بغداد ولایتی مرکز متصرفلغه و ایکی سنه صکره دخی ولایت مشارالها والی معاونلگینه نقل مأموریت ايدرك ۱۲۸۹ سنه سنده انفصال ايله درسعادتده عودت

ايتمشدر .

اوّارالق بلغارستانده ظهورایدن بعض مسائل مهمه نك رؤیتی ایچون متوفی علی-
صائب باشانك ریاستی تختنده تشكیل ایدن قومیسئون اعضاسندن اقله رق صوفیه به
عزیمت و ایکی بحق آی صكره اكال مأموریت ایلشدر .

بومأموریت موقتیهی متعاقب اوتاریخده نفاعه نظارتی معرفتیه انشا ایدلمكده
اقلان آناتولی دمیر یوللری انشآت عمومیه سی ریاستنه و برآز صكره انشآت
مجلسی ریاستنه و بر قاج کون مرورنده حیدر پاشا دمیر یوللری ایشلمه اداره سنجه
کوریلان لزوم اوزرینه اداره مذکوره مدیرلکته و بر آی صكره دخی (۱۷ رجب
۱۲۹۰) ده هر سك سنجاغی متصرفلغنه تحویل مأموریت و سنجاغك ولایت تحویلی
اوزرینه انفصال و عودت ایتشدر .

اوّارالق ینه بعض خصوصاتك تسویه سی ضمیمه مأموراً بلغارستانه
عزیمتله ایقای مأموریت ایدرك عودت ایلشدر . بر بحق آی امتداد ایدن بومأمور-
ریتدن اوج بحق سنه صكره ۱۲۹۳ رجبنده رتبه ملكیه یی ترك ایله ینه منشأ اصلیه سی
اقلان خدمت عسكریه به رجعت ایلش و میر لوالق ایله هر سك ارکان حربیه سی
ریاستنه و بر سنه صكره فریقلق ایله (قره پیكار) قوماندانلغنه و ایکی آی مرورنده
اورخانیه جهتی قوماندانلغنه و ۹۴ شوالنده اورخانیه باش قوماندانلغنه مأمور
بیورلمشدر .

ختم محاربه ده در سعادته عودتنده دیوان حرب و تنسیقات عسکریه مجلسلری
اعضائنی انضمامیه عموم ارگان حربیه ریاستنه مأمور اؤلدیغی کی (فی ۲ جمادی الاولی
۱۲۹۵) ده رتبه سامیه مشیریت ایله پتھر سبورغ سفارتنه تعیین بیوریله رق ۱۲ سنه
بلا فاصله ایقای سفارت ایتدیگی حالده ۱۳۰۶ سنه سی ذی الحجه سنده گرید ولایتی
فوق العاده قوماندانلغنه والی وکاتنه مأمور ایدلمكده اون بر ماه قدر اق خدمت
معتسباده ابراز مآثر کفایت ایتش و در سعادته عودتنده یاور اكر ملك عنوان
عالیه سیله شرفیاب اولقله برابر مابین هایون ملوکانه ده خصوصات مهمه عسکریه
و باخصوص مواد تنسیقیه به متعلق امور عالیه نك تدقیقنه مأمور اولمش و حمیدیه

آلايلرينك روسيه قزاق سواريلرى اصولنه توفيقاً تشكىل و تنظيمه سى و همت
ايتمشدر .

مؤخرآ آناطولى قطعه سنك جهات شرقيه سنى تفتيشه مأمور بيورلمقله درت.
سنه قدر اقحوالى يى دور ايدرك محتاج اولدينى وسائل اصلاح و عمران حقنده كى
مشهودات و نيجارنى پيدىربى جانب باب على به عرض ايله مشغول اولدينى حالده
بودفعه سينوبده عدت قلبه دن متأثراً ارتحال ايلشدر .

✱

شؤ اجمالدين منقهم اوله جنى اوزره مشار اليه اوتوز سكر سنه ظرفنده
عسكر لىكدن ديپلوماتلغه قدر شعبات اداره نك مختلف قسملرندى متنوع مأموريتلر
ويرمشدر .



احمد شاكر پاشا

واقعا بونكى خدمات اداره ده
منتظم تحصيل كورمش اوله نك
دخلى منكر دگسه ده، بو خصوصه
اك بيوك تأثير، بخشايش فطرت
اولان ذكا و فطانتده در. چونكه
دنياده اداره نك اك مشكل جهتى
معاملات خارجيه در. بر ديپلومات
بر سر عسكر كى فن حربك اثر
حقيقتمنده ويا بر هيئت وكلا كى
معارف سياسيه نك مسلك نجاتنده
يورومكده دكل، كشف ضمير و كشف
استقبال، و كتم فكر و كتم حال

ايلاه نفوذ و منفعتجه دائماً بر برينه رقابتدن خالى اولميان دولتلرك هر تايلىنده استفاده
ايتمك و كندى دولتيك بولنه بيله جكى مشكلاتدن نرندى بولدينى دولتى استفاده
ايدير مامك كى بر طاقم خواص فوق العاده اظهار بله مكلفدر .

✱

دیپلوماتلغك برده عمومی جهتی واردركه آگاهده (پولیتس) یعنی ظرافت و نزاکت دینور. چونكه مسامره لوده هر درلو مسائل سیاسیه جدیاتدن تعری ایدرك اق مجلس الفته متناسب برکسوده بورینور. بناء علیه اویله یرلرده بالکیز تربیه لی بولمق و یا دیپلومات اولمق کفایات ایتمز. ظریف بولمق لی در. چونكه ظرافت مراسمه لزوم کوسترمز، تربیه ایسه مراسم پرورلکدن عبارتدر.

برظریف نکته پرور بر مجلس الفته بر فقره لطیفه و یا بحث و زمینه موافق بر. مضمون ایله اڭ بیوک سطوت صاحبی اولان بر دولتك ایلیجیسنی مبهوت ایده جك و یا دولتیله آره سی آجیق بر دولتك ایلیجیسیله بر محبت صمیمیه سبب اویله بیله جك نکتته پردازلقده بولنه بیلور. بویله مجلسلرک حاکم لری ایسه نسواندر. نسوانه خوش کورنمک بالکیز حسن و آن و یا ثروت و سامان ایله میسر اولماز. پک چهره ز کوردی آدم لر اولور که ایکی کلمه ظریفانه ایله دنیانک اڭ کوزل قادینلر یی کند. یرینه مفتون ایدر لر.

پتہ رسبورغ سفارتسك دیپلوماتلقجه نه قدر بیوک بر اقتداره احتیاج کوستردیگی محتاج ایضاح دکلدر. پتہ رسبورغك انجمن شبانه لری ایسه انواع و سائل زینت و ظرافتی و باخصوص بر جوق نسوان صاحب ملاحظتی جامع اولمق اعتباریله دیپلو- ماتلقی قدر مخاطره لی در. اویله بر امتحانگاه ظرافتده موفق چیقمق بر مسئله سیاسیه غلبه ایتمک قدر مشکلدر. چونكه اق مجلسلره داخل اولان رجال ایچون منفور اولماق کافی اولیوب بلکه مقبول و محبوب اولمق لازمدر. شا کر پاشا مرحوم ایسه اق خلاصه الخلاصه فطانت و ظرافت اولان مسامره لوده کندوسنی رجال و نسوانه بگنیدر مش و محافل سیاسیه ایسه فطرتنده مرکوز اولان سرشت مردانکی حیثیتیه کیسه بی آلداتماش ایسه ده فطانتك یاردمیه کیسه به ده آلداتماشدر.

اون ایکی سنه امتداد ایدن مدت سفارتنده روسیه نك ایکی حکمداری غنندنده دائره صمیمیت قبول اولمق کبی گر چکدن فوق العاده بر حرمت و محبت مظهر اولمش

و مجالس الفتك هر هانگیسندہ شا کر پاشا بولمغزایسه اوانجمن شبانہ نك رونقسنزلغنه،
حکم اولہ گلشدر .

ماحصل شا کر پاشا ولی نعمتمز پادشاہمز افندمن حضر تلرینک جامع سیف
وسیاست بر بندہ صاحب حمیتی ایدی کہ بدایت نشأتندن برو مامور اولدینی خدمتانک
کوچکندہ بیوکندہ مأثر درایت و کفایتنی ابراز ایتمش و هیچ برایشده مسالک
استقامتدن آیرلما مشدر .

مشار الیہ قلماً دخی اصحاب اقتداردن اوله رق تیار و یه متعلق برقاج ترجمہ سبیلہ
سنہ شمسیہ ہجریہ حقنشدہ اوچ قطعہ مکتوب مفصلی و ایکی تقویمی طبع ونشر
اولمخشد .

ابوالضیاء توفیق

